

9 июля

Прп. Дави́да Солу́нского.  
Тихвинской ико́ны Бо́жией Ма́тери. В Неделю.

НА «ГОСПОДИ ВОЗЗВАХ»

Стихиры воскресные – 4.

И Стихи́ры Богоро́дицы, глас 2

Подобен: «Кйими похмальными...»:

**5. Стих:** Аще беззакония на́зриши, Го́споди, Го́споди, кто постои́т?//  
Яко у Тебе очище́ние е́сть.

**К**йими чистыми устнами ублажим Богоро́дицу?/ Честнейшую Хе-  
руви́мов/ и Святéйшую су́щу Серафи́мов,/ Ангелов же и всех  
святых Сла́внейшую,/ престо́л Царе́в непоколеби́мый,/ до́м, в немже  
вселися Вы́шний,/ спасе́ние мира, Бо́жие освяще́ние,/ подаю́щую  
верным в Бо́жественном торже́ствé Ея// бога́тно велию ми́лость.

**6. Стих:** Имене ра́ди Твоего́ потерпéх Тя, Го́споди, потерпé душа́ моя́  
в сло́во Твое́,// упова́ душа́ моя́ на Го́спода.

**К**йя духо́вныя пёсны ны́не принесём Ти, Всечи́стая?/ Ибо пречестны́я  
Твоея́ ико́ны/ пречу́дным ше́ствием подсо́лнечную освя́тила еси́,/ и  
дй́вным ея́ явлéнием всю Росси́йскую страну́ удиви́ла еси́,/ и свето-  
за́рным ея́ пришéствием/ пусто́е ме́сто и непроходи́мое просвети́ла  
еси́,/ иде́же и ны́не водворя́ешися Бо́жественною ико́ною Твое́ю,/  
всеси́льным Твои́м предста́тельством// ми́ру непреста́нно подаю́щи  
вёлию ми́лость.

**7. Стих:** От стра́жи у́тренния до но́щи, от стра́жи у́тренния,// да упо-  
ваёт Изра́иль на Го́спода.

**К**йя умилённыя гла́сы принесо́ша Ти тогда́, Богоро́дице,/ зря́щий  
светоно́сную ико́ну Твою́,/ чу́дно на возду́се стоя́щую/ и свето-  
за́рными луча́ми сия́ющую,/ благочести́вии лю́дие?/ То́чию с ры-  
да́нием моля́хуся,/ с пла́чем взыва́юще:/ приди́ к нам, Цари́це, снй́ди,  
Влады́чице,/ низпосли́ щедро́ты Твоего́ человеколю́бия,/ посети́ ны  
свы́ше,/ просвети́ омраче́нный Твои́м светоза́рным пришéствием,/ и  
неотсту́пна бу́ди во ве́ки,// ми́рови бога́тно подаю́щи вёлию ми́лость.

и прп. Давида, глас VIII  
Подобен: "О, преславного чудесе...":

Напева Оптиной Пустыни  
Излож. Г.Смирнова

⑧ Яко у Господа милость и многое у Него избавление

Т.1  
Т.2

и Той избавит Израиля от всех без-за-ко-ний е-го.

Бар.  
Б.

От-че Да-ви-де все-бла-жен - не, воз-держанием ум просвещ из -

ряд - но, к Пер-во-ви-нов-но-му доб-рых впе-рил-ся е-си

и столп явился еси све-то-ви - ден, про-све-ща - я всех сло-ве -

сы и чу-де-сы, при-сту-па - ю-щих к тебе разумом всегда бо-го -

леп-ным. Тем-же ты по-чи-та-ем и у-бла-жа - ем.

## 9 Хвалите Господа вси языцы,

по-хва-ли - те Е - го вси лю - ди - е. Я - ко - же пти - ца бла - го -

пес - ни - ва, на восходе садовне сень, отче, во - дру - зил е -

си, сту - дению померзаемъ и зномъ по - жи - га - емъ,

зла - ты отсюду приял е - си криле без - стра - сти - я и со - вер -

ше - ни - я и к Не - бес - ней вы - со - те все - лил - ся е - си,

о нас все - гда мо - ля - ся, хва - ля - щих тя.

## ⑩ Яко утвердися милость Его на нас,

и ис - ти - на Гос - под - ня пре - бы - ва - ет во век.

Бо - жест - вен - ным без - стра - сти - я уг - лем по - па - лив плот - ски - я

сла - сти, не о - па - лим пре был е - си, на ру - ку уг -

ли - е пред ли - цем, Бо - годухновенне, царевым держа, пре - по -

доб - не, див - ля - ше - ся тво - ей свет - ло - сти. Тем - же подано ти

прошение вели - ко от Бо - га, мо - лит - вен - ни - ка тя, бла -

жен - не, при - об - рет бла - го - да - ти - ю.

**Стихиры прп. Давида, глас 8****Подобен:** «О, преславнаго чудесе...»:

**8. Стих:** Яко у Гóспода мѣлость, и мно́гое у Него́ избавлѣние, // и Той избáвит Израїля от всех беззакóний его́.

**О**тче Давіде всеблажѣнне, / воздержáнием ум просвѣщ изрýдно, / к Первовинóвному дóбрых вперѣлся есѣ / и столп явѣлся есѣ световѣден, / просвещáя всех словесы́ и чудесы́, / приступа́ющих к тебѣ / рáзумом всегда́ боголѣпным. // Тѣмже ты почита́ем и ублажа́ем.

**9. Стих:** Хвалите́ Гóспода вси язы́цы, // похвалите́ Его́ вси лю́дие.

Якоже птѣца благопѣснѣва, / на восхо́де садóвне сень, óтче, водрузѣл есѣ, / стúдению померза́емь / и знóем пожига́емь, / злáты отсю́ду приѣл есѣ крилѣ / безстра́стия и совершѣния / и к Небѣсней высотѣ вселѣлся есѣ, // о нас всегда́ моля́ся, хва́лящих тя.

**10. Стих:** Яко утвердѣ́ся мѣлость Его́ на нас, // и ѣстина Госпóдня пребывáет во век.

Божѣственным безстра́стия ўглем / попалѣв плотскѣя сла́сти, / неопалѣм пребы́л есѣ, / на руку́ ўглие / пред лицѣм, Богодухновѣнне, царѣвым держá, преподóбне, / дивля́шеся твоѣй свѣтлости. / Тѣмже поданó ти прошѣние вели́ко от Бóга, / моли́твенника тя, блажѣнне, // приобрѣт благода́тию.

**«Слава» - Стихи́ра Богорóдицы, глас 6:**

**Д**несь радуется верных мно́жество, / яви бо ся Божественная икона Твоя, Владычице, на воздýсе, / я́ко многосветлое со́лнце, / свѣтом велиим сия́ющи / и лучѣи милости повсюду испущáющи, / вся верныя просвещáет. / Днесь ликовствующе ангели Тебе слúжат / и, почита́юще Тя, от места на мѣсто / невидимо икону Твою преносиша, Богома́ти, / донѣше же богоизбрáннаго мѣста, / благоговѣ́нно поставиша с достойными славословлѣнии. / Мы же что Ти принесем, брѣннии? / И кое благохваление пришествию Твоему́ сотворѣм? / Недоумѣва́ем, точию удивля́емся, / велича́юще Твое милосѣрдие, / е́же на нас показáла есѣ. / Но, о Пресвятая, / моли́ся прилежно Сыну Твоему и Богу на́шему / дарова́ти отечеству на́шему на враги побѣды, / и миру умирѣние, // и душáм нашим вѣлию мѣлость.

«И ныне», Догматик гласа.

**Прокімен воскресный: Пареміи:**

**НА ЛИТИИ:**

**Стихіры Богородицы:**

**Глас 3:**

**Приидіте, вси празднлюбцы, / чўдное явлєние иконы Божия Матере  
ублажим, / преславно бо и боголепно возсия, / еяже святым явлєнием  
мир просвещєн бысть. / Тем усты и сердцы и пєсньми и пєнии ду-  
ховными / сей святой день со всеми притекающими // праздуем  
свєтло.**

**Глас 8:**

**Первее написавшейся Твоей иконе / Евангельских тайн благо-  
вєстником / и к Тебє, Царице, принесєнной, / да усвоиши ту / и сильну  
содєлаєши спасти чєствующия Тя. / И порадовалася еси, яко сущи  
милостива спасєния нашего Содєтельница, / яко уста и глас иконе  
бывши, / якоже и Бога вєгда зачинаючи во чрєве, пєснь воспєла  
еси: / се отныне ублажат Мя вси роди. / И, на ту зрящи, глаголала еси  
со властью: / с сим образом благодать Моя и сила. / И мы истинно  
веруем, / яко се рекла еси, Госпоже: / сим образом с нами еси. / Тем,  
благоговєйно предстояще, покланяємся Тебє, раби Твои, // посети ны  
Твоими Матерними щедротами.**

**Кто достойно возможет исповєдати чудєс Твоих, Чистая, / глубину  
превеликую? / Твоим бо милосєрдным присєщєнием / пустыня свыше  
прият икону Твою чўдную; / тогда же Тя, Владычице, со святителем  
Николаєм / светозарно в пустыни бесєдующу, узрє муж благого-  
вєйный, / иже, зрєти не терпя неизречєннаго Твоего сияния, / на  
зємлю ниц пад, никакоже зрєти можаше, / дондеже возстави его свя-  
титель он чўдный, / от страха человеколюбие укрепляя его. / Ты же,  
Чистая, светом милости Твоей сего просвєщши, / крєстнаго утвер-  
ждєния благоволєние Твое совершити повелєла еси // в пользу вєрных  
спасєния.**

**Глас 4:**

**Да** ка́плют сла́дость о́блацы,/ и вся землѧ да возра́дуется ра́достно/ о неизрече́нной ми́лости Твое́й, Пречи́стая./ Чудо́ бо зрѧмо е́сть, Влады́чице, дѣвное,/ я́ко прѣжде пусты́ня, вся́каго обнаже́на благоле́пия/ и никѧмже проходѧма и зна́ема,/ ны́не же Твоѧм, Богома́ти, присещѧнием/ ме́сто пресла́вно, и оби́тель, я́ко град прекра́сен, явля́ется,/ и храм присносвѣтел,/ в не́мже Божѣственное сокрови́ще,/ чу́дная ико́на Твоѧ, Богоро́дице, показу́ется./ Ея́же мы зря́ще благоле́пие/ и усѣрдно поклоня́ющесея,/ ра́достью и стра́хом целу́ем ю́:/ стра́хом - грехá ра́ди, я́ко недосто́йни сущѣ,/ ра́достью же – ми́лости ра́ди, ю́же подае́ши нам, // рабо́м Твоѧм, я́ко Милосѣрда.

**Влады́чице** Блага́я,/ ми́ру держáвная Помо́щнице,/ укрепѧ́ сла́вящее Тя отѣчество на врагѧ́,/ я́коже иногда́ кро́ткаго Дави́да на противны́я./ И я́коже дре́вле спасла́ еси́ Ца́рский град от иноплеме́нных нахожде́ния,/ та́ко и ны́не спаси́ страну́ Росси́йскую от противных нашествѧ́/ и соблюди́ от всех наве́т вра́жиих, // Ты бо, Богоневѣ́стная, всех ве́рных с Бо́гом покрóв и спасѣние.

**«Слава и ныне» - Богородичен, глас 5:**

**Росси́йская** страна́ днесь веселѧ́тся с Вы́шними си́лами,/ свѣ́ше обогатѧ́вшиися ико́ною Богома́тере,/ и христолюбѧ́вое ста́до вопиѧ́т, созыва́ющи:/ придѧ́те, ве́рнии,/ просветѧ́тесе в свѣ́тлом торжестве́ Богоро́дицы./ Приидѧ́те, празднóлюбцы,/ возвеселѧ́тесе в чудѣ́сном прáзднице о́бщия всех Влады́чицы./ Приидѧ́те и видѧ́те Божѣственное сокрови́ще,/ всем чудѣ́с дáры обѧ́льно подаю́щее./ Что́ убо возда́дим Гóсподеви,/ сицевóе человеколю́бие нам явѧ́вшему,/ пречи́стый Свой и Егó рóждшия о́браз/ я́ко Небѣ́сный дар нам низпосла́вшему/ и ве́рных просветѧ́вшему?/ Тѣмже, наслажда́ющесея ве́лия Тогó милосѣрдя,/ ра́достно Тóму возсыла́ем глáсы благодарны́я,/ рóждшей Тогó весело́ воспѣва́юще:/ сла́ва, Влады́чице, вопло́щемуся из Тебѣ́ Христу́ Бо́гу на́шему, // таковы́я благодáти нас сподóбльшему.

## НА СТИХОВНЕ:

### Стихиры воскресные, гласа.

#### «Слава» Стихи́ра прп. Дави́да, глас 8:

**М**она́хов мно́жества,/ наста́вника тя почитаем, отче наш Да-  
ви́де:/ твоею бо стезею воистинну право ходи́ти позна́хом./  
Блаже́н еси, Христу рабо́тав,/ и вра́жию обличил еси си́лу,/ Ангелов  
собеседниче, преподобных соприча́стниче и пра́ведных,/ с ни́миже  
молися Го́сподеви// помиловатися душа́м на́шим.

#### «И ныне» Стихи́ра Богоро́дицы, глас 8:

**П**рииди́те, вси ве́рнии,/ притеце́м в церковь Богома́тере:/ се бо  
сияет в ней всечестная Ея́ ико́на,/ я́ко светило благоче́стия,/  
всех празднoлюбных собо́ры,/ благодатию Бо́жиею просвеща́ющи/ и  
грехо́внаго помрачения тьму отгоня́ющи,/ чудеса же тамо притекаю-  
щим преславная содева́ет/ и духи лука́вствия прогоня́ет./ Во́инству  
убо благочестивому на сопротивныя крепость подава́ет,/ стена́ и за-  
бра́ло всея земли быва́ющи/ и обитель Свою заступлением си́льным  
утвержда́ющи,/ пресла́вными на враги победами прославля́ется,/ и  
вся ве́рныя торжествовати созыва́ет,/ и радостно к Богоматери зва́ти  
науча́ет:/ кре́пость наша и утвержде́ние,/ упова́ние и спасение с  
Бо́гом/ Ты еси́, Богоро́дице./ И Тебе́ мо́лимся:/ моли́ Сына Твоего и  
Бога на́шего,/ да изба́вит нас в День судный муче́ния// и сподобит  
Царствия Своего Небе́снаго.

#### Тропа́рь Тихвинской ико́ны Бо́жией Ма́тери, глас 4:

**Д**несь, яко солнце пресве́тлое,/ возсия́ нам на воздухе всечестная  
Дикона Твоя, Влады́чице,/ лучами милости мир просвеща́ющи,/  
ю́же великая Росси́я,/ я́ко некий дар Божественный свыше благого-  
вейне восприе́мши,/ прославля́ет Тя, Богомати, всех Влады́чицу,/ и  
от Тебе рождшагося Христа Бога нашего величает ра́достно./ Ему́же  
молися, о Госпоже Царице Богоро́дице,/ да сохранит вся грады и  
страны́ христиа́нския/ невреди́мы от всех навет вра́жиих/ и спасет  
верою поклоняющихся Его Боже́ственному/ и Твоему́ пречистому  
о́бразу,// Де́во Неискусобра́чная. (Трижды).



**НА «БОГ ГОСПОДЬ»****Тропáрь воскресный, гласа. Дважды.****«Слава» - Тропáрь прп. Давида, глас 8:**

**В** тебе, óтче, извѣстно спасеся, еже по óбразу:/ приим бо крѣст, последовал еси Христú/ и, дѣя, учил еси презирати убо плоть, преходит бó,/ прилежати же о души, вещи безсмѣртней.// Тѣмже и со Ангелы срадуется, преподобне Давиде, дýх тво́й.

**«И ныне» - Тропáрь Тихвинской иконы Божией Матери, глас 4:**

**Д**несь, яко солнце пресвѣтлое,/ возсия́ нам на воздухе всечестная Икона Твоя, Влады́чице,/ лучами милости мир просвещáющи,/ ю́же великая Россiя,/ я́ко некий дар Божественный свыше благогове́йне восприѣмши,/ прославля́ет Тя, Богомати, всех Влады́чицу,/ и от Тебе рожда́гося Христа Бога нашего величает ра́достно./ Емúже моли́ся, о Госпоже Царице Богоро́дице,/ да сохранит вся грады и страны́ христиáнския/ невредíмы от всех навет вра́жиих/ и спасет верою поклоняющихся Его Божѣ́ственному/ и Твоемú пречистому óбразу,// Дѣво Неискусобра́чная.

**Полиелѣй: Величáние Богородице:** Достóйно есть величáти Тя, Богоро́дице,/ Честнѣйшую Херувím/ и слáвнейшую// без сравнѣния Серафím.

**Псалóм избранный:**

**Бóже** суд Твой царѣви даждь,/ И правду Твою́ сы́ну царѣву./ Судити лю́дем Твоим в правде,/ И ни́щим Твоим в судѣ./ Сýдит ни́щим людскím, и спасѣт сы́ны убóгих./ Благовестите́ день от дне спасѣние Бóга нашего./ Госпóдь даст глагóл благовествúющим сiлою мно́гою./ Кля́тся Госпóдь Дави́ду и́стиною, и не отвѣ́ржется ея́./ От плода́ чрѣва твоегó посаждú на престóле твоём./ Снiдет я́ко дождь на рунó,/ И я́ко кáпля кáплющая на зѣмлю./ И приклонí небеса́ и снiде, и мрак под ногáма Егó./ Я́ко избрá Госпóдь Сиóна, извóли егó в жилище Себѣ./ Освятíл есть селѣние Своѣ Вы́шний./ Бог посреде́ егó, и не подви́жится./ Пощадíт ни́ща и убóга, и дýши убóгих спасѣт./ Всеязы́цы порабо́тают Емú./ Весь день благословя́т Егó./ Бúдет утверждѣние на землi на версѣх гор./ Бúдет Имя Егó благословѣно во

вѣки./ И благословѣются в Нем вся колѣна земная./ Благословѣн Господь Бог Израилев, творяй чудеса Един./ И благословѣно Имя славы Его в век, и в век вѣка.// И исполнится славы Его вся земля: Буди, буди.

**Тропарі воскресные, глас 5: Степенна, и прокимен гласа. Ирмосы воскресные, гласа. Катавасія, глас 4: «Отверзу уста моя»: «Свят Господь Бог наш» - гласа.**

### **НА ХВАЛИТЕХ**

**Стихиры воскресные, гласа – 4.**

**И стихиры Богородицы, глас 8**  
**Подобен: «О, преславнаго чудесе...»:**

**5. Стих:** Хвалите Его в тимпане и лице,/ хвалите Его во струнах и органе.

**О,** преславнаго чудесе!/ Всемирная радость свыше просия нам?/ икона Богоматере,/ подающи всему миру просвещение,/ и благочестию утверждение,/ и верным спасение,/ Божие сие дарование земным даровася./ О немже радуешься, Тебе, Христе, молим:// спаси души наша, яко Милосерд.

**6. Стих:** Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

**О,** преславнаго чудесе!/ Превыше всех стран Россійская земля/ почтѣся от Вышняго промыслѣния,/ ибо та, а не ина/ Его благодатию сподобися/ сию прияти икону Богоматере,/ яко Небесный дар светолучный, / преславно Богом свыше посланный./ О немже радуешься,/ к Тебе, Христе, умильно вопиет:// спаси, Блаже, души наша, яко Милосерд.

**7. Стих:** Помяну имя Твое/ во всяком роде и роде.

**Преславно,** Богородице, во всех странах/ Тобою хвалится обитель Твоя, Богоневѣсто,/ яко имѣет в себѣ чудотворную Твою икону,/ чудно по воздуху и преславно Ангелы принесенную,/ от неяже неизреченныя цельбы приемлюще,/ благодарственная вопиѣм Тебѣ,/ умильно моляще Тя:/ Пресвятая Дѣво, // спаси души наша, яко Милосердая.

# НА "ХВАЛИТЕХ"

Стихиры воскресные, гласа - 4.

## И стихиры Богородицы, глас VIII

Подобен: "О, преславнаго чудесе...":

Напева Оптиной Пустыни

Излож. Г.Смирнова

⑤ Хвалите Его в тимпане и лице,

Музыкальный текст с нотными записями для Т. I, Т. II и Бар. Б. Текст песни:

хва - ли - те Его во струнах и ор - га - не. О, пре - слав - на - го  
 чу - де - се! Все - мирная радость свыше просия нам икона Бо - го -  
 ма - те - ре, по - дающи всему миру про - све - ще - ни - е,  
 и благочестию у - твержде - ни - е, и вер - ным спа - се - ни - е,  
 Бо - жи - е сие дарование земным да - ро - ва - ся.  
 О нем - же ра - ду - ю - ще - ся, Те - бе, Хри - сте, мо - лим:

спа - си ду - ши на - ша, я - ко Ми - ло - серд.

⑥ Хвалите Его в кимвалех доброгласных, хвалите Его в кимвалех восклицания.

Вся - ко - е дыхание да хва - лит Гос - по - да. О, пре - слав - на - го

чу - де - се! Пре - вы - ше всех стран Рос - сий - ска - я зем - ля

по - чте - ся от Вышнего про - мыш - ле - ни - я, и - бо та, а не

и - на Е - го бла - го - да - ти - ю спо - до - би - ся си - ю при - я -

ти и - ко - ну Бо - го - ма - те - ре, я - ко Не - бес - ный дар све - то -

луч - ный, пре - слав - но Бо - гом свы - ше по - слан - ный.

О нем - же ра - ду - ю - щих - ся, к Те - бе, Хри - сте, у - миль -

но во - пи - ет: спа - си, Бла - же, ду - ши на - ша, я - ко Ми - ло - серд.

7) Помяну имя Твое

во вся - ком ро - де и ро - де. Пре - славно, Богородице, во

всех стра - нах То - бою хвалится обитель Твоя, Бого - не - ве -

сто, я - ко имеет в себе чудотворную Тво - ю и - ко - ну,

чуд - но по воздуху и преславно Ангелы при - не - сен - ну - ю,

от не - я - же не - изреченная цельбы при - ем - лю - ще,

бла - го - дар - ствен - на - я во - пи - ем Те - бе, у - миль - но  
 мо - ля - ще Тя: Пре - свя - та - я Де - во,  
 спа - си ду - ши наша, яко Ми - ло - сер - да - я.

### Глас 2:

**8. Стих:** Слы́ши, Дщи, и ви́ждь, / и при́клони у́хо Твое́.

Якоже иногда Царский град, / имѣя икону Твою, Дѣво Пречистая, / Божиим и Твоим пособием побеждая противныя, радовашеся, / тако и ныне Россійская страна, / дивно стяжавши образ Твой, Госпожѣ, / во свое заступлѣние, / утверждающися, торжествует весело. / Вели́ми же красуется и пречестная обитель Твоя, / имѣющи Тя с Богом покров и твердое ограждение / от всех находений вражиих, / церковь же Твоя, Богородице, / якоже иногда Влахѣрнская, / пречистым Твоим образом свѣтится, / и преславными чудесы просвѣщается, / и, радующися, духовно ликует, Владычице, / со всеми верными зовущи днесь: / радуйся, Пресвятая Дѣво, / мое благолѣпие, и похвалу, и вѣчное весѣлие. / Ты мя предивными чудесы обогащавши / и Божественными дарованими. / Ты еси, Владычице, исцелений источник неисчерпаемый, / и сущим в бедах утешение, // и всем верным покров и спасение.

«Слава» – **стихира евангельская:**

«И ныне» – **глас 2:** «Преблагословенна еси»:

**НА ЛИТУРГИИ:****Блаженны:**

Во Царствии Твоём помяни нас, Господи, егда приидеши, во Царствии Твоём.

**На 12:** Блажени нищии духом, яко тех есть Царство Небесное.

Блажени плачущии, яко тии утешатся.

**На 10:** Блажени кротции, яко тии наследят землю.

**Тропарь<sup>1</sup>:** Дре́вом Ада́м райа бысть изселен;/ дре́вом же крестным разбойник в рай вселися./ Ов убо вкуш, заповедь отверже Сотворшаго;/ ов же сраспинаемь, Бога исповеда Таящагося,// помяни мя, вопия, во Царствии Твоём.

Блажени алчущии и жаждущии правды, яко тии насытятся.

**Тропарь:** Вознесыйся на Крест, смертную разрушивый силу,/ и загладивый, яко Бог, еже на ны рукописание, Господи,/ разбойниче покаяние и нам подаждь, Еди́не Человеколю́бче,/ верою служащим, Христе́ Бо́же наш, и вопиющим Ти:// помяни и нас во Царствии Твоём.

**На 8:** Блажени милостивии, яко тии помиловани будут.

**Тропарь:** Рукописание наше на Кресте́ копие́м раздрал еси́,/ и вменився в мертвых, тамошняго мучителя связал еси́,/ избавивый всех от уз адовых воскресением Твоимъ,/ имже просветихомся, Человеколю́бче Господи, и вопие́м Ти:// помяни и нас во Царствии Твоём.

Блажени чисти́и се́рдцем, яко тии Бо́га узрят.

**Тропарь:** Распныйся и воскресый яко Си́лен из гроба тридне́вен,/ и перво́зданнаго Ада́ма воскресивый, Еди́не Безсмертне:/ и мене́ на покаяние обрати́тися, Господи, сподоби от всего́ се́рдца моего́,/ и теплою верою при́сно взыва́ти Ти:// помяни́ мя, Спа́се, во Царствии Твоём.

**На 6:** Блажени миротворцы, яко тии сынове Божии нареку́тся.

---

<sup>1</sup> 2017 г.

**Тропарь:** Нас ра́ди, Иже безстра́стен, стра́стный бысть челове́к,/ и во́лею на Кресте́ пригвожде́йся, нас совоскреси́,/ те́мже и сла́вим со Крестомъ страсть и воскресение́,/ и́миже возсозда́хомся, и́миже и спаса́емся, взыва́юще:// помяни́ и нас во Ца́рствии Твоём.

Блаже́ни изгна́ни пра́вды ра́ди, я́ко тех есть Ца́рство Небе́сное.

Воскресшаго из ме́ртвых, и а́дову держа́ву плени́вшаго,/ и ви́дима жена́ми мирно́сицами, ра́дуйтесь, глаго́лющаго,/ ве́рнии умо́лим, от ислéния изба́вити ду́ши на́ша,/ зову́ще всегда́ разбо́йника благо́разумнаго гла́сом к Нему́:// помяни́ и нас во Ца́рствии Твоём.

**На 4:** Блаже́ни есте́, егда́ понóсят вам, и изжену́т, и реку́т всяк зол глаго́л на вы, лжу́ще Мене́ ра́ди.

### Богороди́цы, глас 8:

**Ирмо́с:** Гряди́те, ве́рнии, на пресла́вное видéние,/ зри́те на высотé благоле́пно сия́ющу пречи́стым Свои́м о́бразом Де́ву Пречи́стую,/ нас благода́тно посеща́ющу, благове́рно пою́щих:// несть пречи́сты, па́че Тебе́, Влады́чице.

Ра́дуйтесь и весели́тесь, я́ко мзда ва́ша мно́га на Небесéх.

**Тропарь:** Освяща́ется, Богороди́це, Твое́ю благода́тию всяк ум ве́рных/ и возвыша́ется чу́дным ико́ны Твоея́ пришéствием,/ ю́же благоче́стно почита́ющих и Тебе́ ве́рно сла́вящих,// сподо́би, Влады́чице, нас, рабо́в Твои́х, Вы́шняго прича́стия.

Слава Отцу и Сыну и Святому Духу.

**Тропарь:** Дажь нам ненавётно Небе́сную ше́ствовати стезю́, Богоневéстная,/ на Божéственная дея́ния нас укрепля́ющи,/ я́ко да Твои́м, Де́во, заступлéнием// злоко́зненнаго путéй уклóньшися, присносу́щныя сла́вы бу́дем общи́цы.

И ныне и присно и во веки веков. Аминь.

**Богородичен:** Ангелов Творца́, и́стиннаго Све́та Христа́,/ неизрече́нно из Тебе́, Богома́ти, возсия́вшаго луча́ми,/ омраче́нныя на́ша ду́ши и сердца́ просвети́/ и благода́тию Твое́ю, о Благода́тная, освяти́,// к Го́рняго све́та рачéнию наставля́ющи.



## ПО ВХОДЕ:

### Тропáрь воскресный, глас 4<sup>2</sup>:

Свѣтлую Воскресѣния прѡповедь/ от Ангела увѣдевша Гос-  
пѡдни ученицы/ и прáдѣднее осуждѣние отвѣргша,/  
апѡстолом хвáлящаяся глагѡлаху:/ испровѣржесе смерть,/  
воскрѣсе Христѡс Бог, // дáруй мíрови вѣлию мíлость.

### Тропáрь Тíхвинской икѡны Бѡжией Мáтери, глас 4:

**Д**несь, яко солнце пресвѣтлое,/ возсия нам на воздухе  
всечестная икона Твоя, Владычице,/ лучами милости  
мир просвещáющи,/ юже великая Россiя,/ яко некий дар  
Божественный свыше благоговейне восприѣмши,/ прослав-  
ляет Тя, Богомати, всех Владычицу,/ и от Тебе рождшагося  
Христа Бога нашего величает радѡстно./ Емуже молися, о  
Госпоже Царице Богородице,/ да сохранит вся грады и  
страны христiанския/ невредимы от всех навет вражиих/ и  
спасет верою поклоняющихся Его Божѣственному/ и Твое-  
му пречистому образу, // Дѣво Неискусобрачная.

### Тропáрь прп. Дави́да, глас 8:

В тебѣ, ѡтче, извѣстно спасѣся, еже по образу:/ приим бо  
крест, последовал еси Христу/ и, дѣя, учил еси презирати  
убо плоть, преходит бо,/ прилежати же о души, вещи без-  
смѣртней. // Тѣмже и со Ангелы срадуется, преподобне Да-  
виде, дух твой.

### Конда́к воскресный, глас 4<sup>3</sup>, подобен: «Явился еси днесь»:

Спас и Избáвитель мой/ из грѡба, яко Бог,/ воскреси от уз  
земнорѡдных,/ и вратá áдова сокруши, // и яко Владыка вос-  
крѣсе триднѣвен.

<sup>2</sup> 2017 г.

<sup>3</sup> 2017 г.

**«Слава» – Кондак преподобного Давида, глас 1**

**Подобен: «Лик Ангельский...»:**

Са́д присноцветущ, добродетелей плоды принося́й, / яви́лся еси́ на садо́вне дрéве, я́ко благопéснивая пти́ца; / ра́й же па́че, жи́зни дрéво, Го́спода, в се́рдцы твоéм приéм, / я́ко возде́лав, Богому́дре, / имже пита́еши нас благода́тию; // прísно моли́ о нас, Дави́де всеблаже́нне.

**«И ныне» – Кондак Тихвинской иконы Божией Матери, глас 8:**

Притеце́м, лю́дие, к Дéвей Богоро́дице Цари́це, / благода́ряще Христа́ Бо́га, / и, к То́я чудотво́рней ико́не, умíльно взира́ющи, припаде́м и возопи́ем Ей: / о Влады́чице Мари́е, / присети́вше страну́ сию́ Твоего́ честна́го о́браза явлéнием чуде́сно, / спасáй в ми́ре и благовре́менстве оте́чество на́ше и вся христи́аны, / наследники́ показу́ющи Небе́сныя жи́зни, / Тебе́ бо ве́рно зове́м: // ра́дуйся, Дéво, ми́ра спасéние.

**Прокíмен воскрéсный, глас 4<sup>4</sup>:** Я́ко возвели́чишася дела́ Твоя́, Го́споди, вся премудрости́ю сотвори́л еси́.

**Прокíмен, глас 3, песнь Богоро́дицы:** Вели́чит душа́ Моя́ Го́спода, / и возра́довася дух Мой о Бо́же Спа́се Моéм.

**Прича́стен воскрéсный:** «Хвалите́ Го́спода с небéс»:

**Прича́стен Богоро́дицы:** «Ча́шу спасéния приму́»:

---

<sup>4</sup> 2017 г.